

# QUÆSTIO MEDICA,

25.

## QUOD LIBETARIIS DISPUTATIONIBUS


*manè discutienda in Scholis Medicorum, die Jovis*

4. Februarii 1723.

M. JACOBO-JULIANO CARREL,

DOCTORE MEDICO, PRÆSIDE.

*An commentitium tritūs & fermentationis commercium?*



I.

**H**OMINIS ex lege Hippocratis, mentis indè & corporis mēdenti necessaria cognitio. Sanitas præcipuus Medici finis. Hunc vir probus minùs rarò assequetur. Hic morbos animo peculiare, alios corpori proprios, alios utrique communes. distinguet. Coquorum, Pharmacopolarum, Chirurgorum non solis utetur manibus; Musicorum, Oratorum artes non negliget; ipsiusmet Religionis opem ipse religiosus deposet. Ethicam & Metaphysicam supponit Ars Medica. His tamen imbuti rari artifices. Medicus, sensualis nimis Philosophus, abstractiores negligit scientias; hujus segniùs irritant animum demissa per aurem, quàm quæ sunt oculis subiecta fidelibus, & quæ sibi tradit spectator. Corporis humani sentitur nutritio, auditio, motio; ex inedia ejusdem macies & tabes cum horrore videtur; alimentorum inde cognoscitur necessitas. Hisce functionibus inservientium organorum situm indicant; ex appetitu naturali naturales relationes. Horum figuram partesque integrantes explicat Anatomia. Ex ea nil nisi fluens & solidum innotescit. In utrisque apud veteres nulla virtus. Spiritus hinc & Facultatum utile figmentum. Apud Neotericos in fluentibus: apud Recentiores in solidis sola potentia. Tot diversarum opinionum parens præjudicata ciborum & corporis ingens diversitas. Nutritioni apud plurimos *chylosis*, *hæmatopoeisis*, & *homoiosis*. Apud paucos & sapientiores sola prima requiritur. Functionum æconomix animalis principium & causa, motus. Hic mera virtus Dei applicata ipsiusmet corporibus: illa solis solidis impertita, fluidis communicata tantùm. Solida non determinantia, sed dirigentia: fluida ordinata non imperum facientia, non circumueuntia sed circum impulsæ. Unus igitur tritus. Nulla proinde fermentatio. Hæc à quibusdam asseritur, ille ab aliis demonstratur. Corpus olim superbarum erat facultatum sedes, nunc haud minus injuriosè fermentorum officina ab aliis, ab aliis mechanicorum instrumentorum theatrum decantatur. Unicuique suæ sententiæ pervicax nimis & uxoria defensio. Labi errare, nescire nemo faretur. Prævus indè altercandi contendendique mos; quem tollere frustra laborant, qui minùs veritati; quàm libidini quasi servientes, constantis unius, omniaque præstantis tritūs, cum fermentatione impossibili, inutile postulant matrimonium.

A

**O**MNE corporis humani solidum ex canaliculis conicis & elasticis, quos arterias vocamus, ex iisdemque propagatorum ductuum, in retis formam intextorum filis coagmentatur. Caro, membranæ, ossa, corpus univcrsum, unius tubi organica fabrica. In hac artificiosâ machinâ consensus unus, conspiratio una, consentientia omnia; in ea varii motus & actiones observantur: illi in certâ vasorum continuatione, fluentiumque humorum quâdam conditione consistunt; sed quanam est illa conditio? num fermentatio? minimè gentium. Concipis prædictum naturæ in componendis organis artificium? Impossibilem ergo concipies fermentationem. Humorum præcipuus, sanguis chylo oneratus. Omnium fons & scaturigo. Hunc fermentationis expertem, fermentationis ipsa declarat definitio. Ista est: *Operatio naturalis, in quâ quædam partes acida præprimis præsapia cum oleoso-viscosis particulis, accedente tepido calore, in motum intestinum lentè procedentem incidunt, usquequò salina cum oleosis particulis conjunctionem iniverint, vel donec quod fermentandum fermento quoad indolem planè simile fuerit.* Quid est motu intestino donari liquorem semper circulariter actum? nullus liquor minis fluidus quàm sanguis; corpus merè fibrosum est, partibus quibusdam serosis dilutum. Hoc sublatâ vi motrice stagnat. Ingens & maxima vis illa, & quidem necessaria est. Infinitè per suum cursum sanguini, cujuslibet secretionis opibus diviti, superandæ solidorum resistentiæ; undenam tantum igitur robor? Non ipsi fermentescenti cruori cum ficto aëris nitro tribuendum. Spiritibus & negandum, nulli etenim sunt. Fluida nostra non tam mordicè rimeris, hoc enim exigua potentia. Ex solâ vasorum structurâ petenda est hæc potestas. Non plumbei nostri canales, non hebetia quibus constant flamina. Scalpello manum admove. Fibras in corde rectas, spirales diverso modo positas, ventriculos valvulis & tendinibus asperos, majorem in sinistro, quàm in dextro resistentiam, in arteriis membranas veluti decussatas reperies. Cui bono tam mirabilis mechanica compositio? si merè passiva. Ex minimorum cordis & arteriarum, peculiari & innatâ compage pendet in utrisque motus reciprocos diastoles & systoles, quo mediante perpetua sanguinei laticis agitatio. Hæc porro fermentationi nil magis contrarium. Hinc apud fermentatorum coryphæos stabilitur axioma: *Stante circulatione, tunc nec in corde nec in massâ sanguinè fit ulla fermentatio.*

## III.

**S**I quæ itaque naturaliter insit in nostris corporibus fermentatio, extra orbem sanguinis tota peragitur. Quæcumque nobis sunt quietis aut minoris motus capacia viscera, ea sola fermentando paria. Quæ, quæso, reperire est? Ventriculum cave ne dicas, intestina ne nomines. Utraque vel per vomitum vel per secessum eam ejicient. Rem fermentandam continuò agitare, saxum Sisyphi volvere est. Alimenta in ventriculo semper quatiuntur; ventriculus magnum corporis cotularium, prælum potius publicum. Ille est musculus concavus (idem de intestinis iudicium) multiplici fibrarum elasticarum ordine compositus. Ipsi vis à diaphragmate cui adhæret augetur. Reciprocos musculorum abominis motus tum in animalibus rectis, cum & in pronis non

requiritur, sed confert. Favent à divisione externæ alimentorum præparationes. Harum instrumenta, ignis in quibusdam, in aliis rejectâ coctione, communia utrisque labia, dentes & saliva. Inter alimenta ex animalibus & vegetabilibus petita maxima similitudo. Neque enim inter animal & plantam aliud discrimen interesse videtur, quàm quòd planta intestinis careat, sive (quod ad idem redit) iisdem extorsim versis gaudeat, lacteasque in cortice gerat. Chylosis, sola ciborum in ventriculo elongatio. Corpora nutritia à nutriendis specie non differunt; hinc facilis horum in illa mutatio. Simile simili nutritur. Chymica ciborum in ventriculo si adsit solutio, cur patribus integrantibus, ut sapissime fit, imprægnatur? Deficiens fermentum subtiliter accusatur, sed verius diceretur absens, non in alimentis, non in stomacho reperiendum. Illud vel insitum vel adscititium fingatur, maxima sequentur absurda. Succus gastricus diluentis vices tantum gerit. Saliva à sale dicta. Ut in piscibus marinis aqua falsâ natantibus nil salis sanguini commiscetur, sed per anum sub formâ crystallorum ejicitur; ita salivæ sal cruori non communicatur. Hæc merè lymphæ seu inanis pituita apprime diluit. Ejus frequens sputatio nocet, non salis acidi deperditione, sed aquei potius laticis detrimento. Facta circa experimenta nil respectu nostri concludunt.

#### I V.

**A** Varietate systematum Medicina non præstantior. Inanis fimiola fuit, quæ Medicos omni ætate compulit ad sectas condendas, potius quàm ad nova detegenda phenomena, quæ morborum historiam illustrarent confirmarentque. Uni tamen hypothesi, & præcipue ab Antiquorum doctrinâ parum recedenti, non ad hæerere, sed obsecundare haud insulsum est. Systema tibi serviat, non tam ad fingendos naturæ effectus, quàm ad jam pridem cognitos ritè explicandos. In tritu & fermentatione, non mera diversitas. Adest incompatibilitas. Illius in quibusdam animalibus concipitur exstentia, hujus in nullis judicatur. Posito tritu corrui fermentatio. Illum stabiliunt viscera structura & motus; hanc eadem destruunt. Trituratio fermentationis consortio non indiget. Sola omnibus nostri corporis functionibus præest. Functiones ad secretionem commodè reducantur. Ubi embryo secernere incepit, tunc mater filiorum latans, se concepisse gaudet. En bryonis secretionem inchoat fecundans semen virile, perficit nutriendi & augendi sanguis menstruus, cujus suppressio naturalis genuinum gravidæ mulieris indicium est. Secretio non est puri ab impuro separatio; sed recrementorum, partium nempe solâ quantitate & crassitie, id est, mole peccantium segregatio. Ei sufficit vasorum occillatorius motus, proportionata fluidi velocitas, partis secernentis situs à vi motrice plus minusve remotus. Pori diversæ figuræ falsò supponuntur; Filtra tantum partibus secernendis commensurabilia requiruntur. Chylus omnium secretionum penus. Ille in has omnes ferè consumitur. Humorum quos nobis suppeditant, nulli noxii, nulli excrementii, nulli absolute nutes. A rebus non naturalibus, aëre, somno, vigiliâ, motu, quiete, venere pendent; sed à cibis potissimum. Quale & quantum alimentum, talis & tanta in corpore secretio. Hujus ergo nulla sunt analoga occulta in glandulis nunquam demonstrata fermenta. Positâ circulatione sanguinis, nulla percipi-

untur glanſulæ. Infans in utero matris nutritur, movetur, augetur, abſque fermentationis auxilio. Cur adultus eodem ad idem indigebit? In illius ſecretionibus varii ſapores, odores, ſales etiam quidam percipiuntur. Hæc omnia à ſola trituratione. Quid ad huius planè ſimiles functiones deſideretur inutilis fermentatio?

## V

**E**X ſolidorum cum ſolidis proportionato motu, juſtâ fluidorum cum fluidis ad partes appellentibus reſiſtentiâ corpus inter & animam naſcitur æquilibrium. Illud vel ab animæ imperio, vel ab externis corporibus plûs minûſve tollitur; varii inde in organis motus, variæ in anima ſenſationes. Harum perceptio, vigilia, ignorantia ſomnus. Molis in ſpiritibus animalibus, pororum in nervis diverſitas inutilis. Sanguis analyſibus chymicis incaſſum committitur. Nulla prorsùs ex eo elicienda principia ad fermentationem excitandam. Falfa acidi in cruore præſentia, falſa eſſe ſdem ignis ope educitio. Nulla fingit ignis principia; huic inde illud ſal acidum non concedendum, ſed argillæ nunquam benè calcinandæ reſtituendum. Chymicè & mechanicè conſiderare corpus humanum impoſſibile eſt. Chymia in ſe ſuſcipit, rerum heterogenearum quæ in corporibus naturalibus latent & implicantur, ſeparare & extrahere, corporaque ipſa impedita liberare, immatura perficere. Nullæ ſunt in noſtro corpore heterogeneæ partes, nullæ impuræ, quædam revera immaturæ, ſed ab ipſa non perficiendæ; instrumentis quibus utitur nulla fides adhibenda, viæ enim atque rationes quæ ducere putantur ad hos fines tam in theoriâ quàm in praxi, erroris & nugarum plenæ ſunt. Quibuſlibet Authoribus ne credas; neque traditio ipſorum ut plurimum candida eſt, ſed artificii & latebris minuta. Mechanica eſt ſcientia conſtans ex naturæ legibus deprompta. Ipſiuſmet cauſa exemplaris corpus humanum eſt Trochlearum, ſcytalarum, vectium miramur effectus in externis corporibus, at in noſtro corpore earundem machinarum, ut ita dicam, matrum certiora & mirabilia negligimus phænomena. Fermentationem non aſſertit, qui ſal quodpiam acidum, oleum viſcoſum, ſufficientem humiditatem, liberioris aëris acceſſum nobis demonſtrare dicunt. Salis inveniendi conatus inutiles nullo modo laudandi. Seſt eſto: hoc gaudeat maſſa ſanguinea, ſint ſulphureæ partes cum quibus lenitè congregi poſſit; ubinam certaminis paleſta! *Locus quietus* nullus. illum ſupponamus, nulla tamen fermentationis ſpes. Cruor vel venæ vel arteriæ ſectiōne extractus, in patella immobili receptus, aëri liberiori, igni moderato, ut calor tepidus excitetur, mediante vel aquâ vel arenâ expoſitus, non fermenteſcit. Cur? omnia licet ad fermentationem requiſita in- & adſint. Non multiplicanda entia ſine neceſſitate. Quæcumque in noſtro corpore miraris, hæc ſolus præſtat tritus, ſufficiens, fermentationiſque hoſtis acerrimus: ac proindè fermentatio, commentum inutile.

*Ergo commentitium tritûs & fermentationis commercium.*

Domini Doctores diſputaturi.

M. Ludovicus Claudius Bourdelu.	M. Jacobus Antonius Miller.	M. Germanus Preaux, Profeſſor Regius.
M. Michael Ludolius Vernage.	M. Michael Penget.	M. Joannes Cordelle.

M. Joan. Franciſcus Leaulé,	M. Joan. Brpt. Fauſtus Alliot	M. Marthaus Thuillier, antiq. rei herbaria Profeſſor.
	de Maſſay.	quior Scholæ Magiſter.

Proponebat Pariſiſis GUILLELMUS JOSEPHUS DE L'ESPINE, Pat. riſinus, Baccalaureus Medicus, A. R. S. H. 1723. à ſextâ ad meridiem.